

էին վրաց ազգային-դեմոկրատները, որոնք իրենց համազումարում, յունիսին, բանաձեւել էին հետեւեալ պահանջները. «1. Վրաստանում պէտք է հաստատուի քաղաքական-հողային ինքնավարութիւն՝ ուսման վար-հանրապետական կազմի սկզբունքներով: 2. Ինքնավար Վրաստանի սահմանադրութիւնը մշակուած է Թիֆլիսում գումարուած Ազգային Սէյմը: 3. Վրաց Սահմանադիր Ժողովի ընտրութեան մասնակցում են Վրաստանի բոլոր չափահաս քաղաքացիները, առանց սեռի, դաւանանքի և ազգի խտրութեան, ընդհանուր, հաւասար, ուղղակի, գաղտնի և համեմատական քւէարկութեան սկզբունքով: 4. Վրաց ինքնավար օրէնսդրութեան և կառավարութեան են ենթարկուած, Վրաստանի հողի սահմաններում, բոլոր հարցերը, բացառութեամբ հետեւեալները. ա) պատերազմ և խաղաղութիւն. բ) արտաքին քաղաքականութիւն և պետական բիւջէ:

Սա այն սաղմն է, որից աճեց ու զարգացաւ Վրաստանի անկախութիւնը և որին, սկզբում գաղտնի, ամաչելով, իսկ յետոյ բացայայտ կերպով միացան և վրաց սոցիալ-դեմոկրատները: Առհասարակ, պէտք է նկատել, որ յեղափոխութեան սկզբի ամիսներին, վրացի սոցիալ-դեմոկրատները վրաց ազգային խնդիրներում, յօժարութեամբ առաջ էին քշում ազգայնականներին, իսկ իրենք՝ պահելով միջազգային ու համառուսական դէմքն ու լեզուն՝ բաւականանում էին ձեռքի տակի օգնութեամբ: Ազգային-դեմոկրատները ջանքերով և վրացի սոցիալ-դեմոկրատների աջակցութեամբ, շատ շուտով, յատարարեց վրաց եկեղեցու անջատումը համառուսական ուղղափառ եկեղեցուց և վրաց կաթողիկոսութեան վերականգնումը:*)

Համապետական ոճ էին գործածում և մահմետականները, թէև, վրաց ազգայնականները նման, նոյնպէս դնում էին ազգային կամ, աւելի ճիշտ, համիւլամական պահանջներ: Ռուսաստանի յեղափոխութիւնը նրանց համար երկնքից ընկած պարզեւ էր, որ գալիս էր ազատագրելու մահմետական ազգին: Այս տրամադրութեան ցայտուն արտայայտիչը հանդիսացաւ կովկասեան մահմետականութեան ներկայացուցիչների առաջին համագումարը, որ բացեց Բաղուում, ապր. 15-ին: Այդ համագումարում հանդիսաւորապէս յայտարարեց մահմետական չիա և սիւննի աղանդների միութիւն, որ աննկարագրելի խանդավառութիւն առաջ բերեց ժողովականների մէջ: Ձեռք-ձեռքի՝ բեմ բարձրացան Մուֆթին ու Շէյխ-Ուլ-Իսլամը և ամենքի աչքի առջեւ հանդիսաւորապէս համբուրեցին: Արտասանեցին կրակոտ ճառեր մահմե-

*) Քիչ յետոյ, վրաց սոց.-դեմոկրատները դէմ շարտեցին այս բզեմու տերևն էլ: Նոյնիքեր ամսին, Թիֆլիսում գումարեց վրաց ազգային համագումարը բոլոր դասակարգերի և կուսակցութիւնների կատարեալ համերաշխութեամբ: Ն. Ժողովանիան գեկուցում տեց քաղաքական կացութեան և վրաց ազգի քաղաքականութեան մասին: Եւ համագումարը, միաձայնութեամբ ու խանդավառ ծափերով, ընդունեց նրա առաջադրած կէտերը.—1) Վրաստանը, սեփական հողի վրա, պէտք է լինի ինքնավար և ունեան յազգային օրէնսդրական մարմին. 2) Պէտք է որոշուեն Վրաստանի սահմանները՝ հարեւան երկրների հետ. 3) Վրաստանում ապող ազգային փոքրամասնութիւններին պէտք է տրուեն մշակութային գարգացման երաշխիքներ. 4) Համառուսական Սահմ. Ժողովի չգումարելու պարագային հրաւիրել համակովկասեան և առանձին ազգային սահմանադիր ժողովներ: Եւ այլն:

Ի՞նչ տարբերութիւն ազգային-դեմոկրատների ու այս ծրագրի միջև: